



TASK FORCE PARA SA MULING PAGDIDISTRITO LUNGSOD AT COUNTY NG SAN FRANCISCO MGA TALA O MINUTES

Isinagawa sa pamamagitan ng Videoconference o Komperensiya sa Pamamagitan ng Internet
(Nagkaloob ng pamamaraang makasali mula sa ibang lugar sa pamamagitan ng teleconference
o komperensiya sa pamamagitan ng telepono)

www.sfgovtv.org

Enero 7, 2022 – 3:00 PM

Espesyal na Pulong

Mga Kasapi: Jeremy Lee, Jose Maria (Chema) Hernández Gil, J. Michelle Pierce, Matthew Castillon, Arnold Townsend, Lily Ho, Raynell Cooper, Chasel Lee, Ditka Reiner

1. Panawagan ukol sa Pagsisimula ng Pulong at Pagtatawag ng mga Pangalan ng mga Inaasahang Dumalo

Nagpulong ang Task Force para sa Muling Pagdidistributo sa espesyal na sesyon sa pamamagitan ng videoconferencing, at nagbigay ng mga komento ang publiko sa pamamagitan ng teleconference noong Biyernes, Enero 7, 2022. Nanawagan ang Tagapangulo (Chair) na si Reverend Townsend ukol sa pagsisimula ng pulong nang 3:03 p.m.

Sa pagtatawag ng mga pangalan ng mga inaasahang dumalo, naitalang naroroon sina Miyembro Jeremy Lee, Miyembro Hernández Gil, Miyembro Pierce, Member Castillon, Miyembro Townsend, Miyembro Ho, Miyembro Cooper, Miyembro Chasel Lee, at Miyembro Reiner. May sapat na bilang ng kinakailangan na naroroon miyembro upang maidaos ang pulong.

2. Mga Bagong Impormasyon sa Iskedyul ng Regular at Espesyal na Pulong

Iniharap ni Wilson Ng, Katuwang na Direktor para sa mga Operasyon o Deputy Director for Operations (Office of the Clerk of the Board of Supervisors o Opisina ng Klerk ng Lupon ng mga Superbisor), ang nabago nang iskedyul ng pulong ng Task Force, Ibinahagi ang pag-unlad ng pagpapalano ukol sa iba't ibang uri ng magkasamang remote (sa pamamagitan ng telepono o internet) at harap-harapang pulong, na posibleng isagawa sa kabuuan ng mga distrito ng Lungsod. Sinagot ni Andrew Shen, Katuwang na Abugado ng Lungsod o Deputy City Attorney (Opisina ng Abugado ng Lungsod o Office of the City Attorney), ang mga itinanong sa kabuuan ng diskusyon.

Mga Tagapagsalita: Jen Tse (League of Women Voters San Francisco o Liga ng mga Kababahang Botante ng San Francisco); David Pilpel; nagsalita ukol sa iba't ibang inaalala kaugnay ng pinag-uusapan sa pagdinig.

Nagsagawa ng mosyon si Hernández Gil, at sumegunda si Miyembro Pierce, na pagtibayin ang pagbabago sa iskedyul ng pulong ng Task Force, ayon sa sumusunod:

- Sa Biyernes, Enero 14, 2022, magsisimula ang espesyal na pulong nang 3:00 p.m., at isasagawa ito nang remote (sa pamamagitan ng internet) sa halip na sa City Hall, Room 400; at
- Sa Sabado, Enero 22, 2022, magsisimula ang espesyal na pulong nang 10:00 a.m., at isasagawa ito nang remote sa halip na sa Third Baptist Church, 1399 McAllister Street;

Pinagtibay ang mosyon ng sumusunod na pagboto:

Oo: 9 - Jeremy Lee, Hernández Gil, Pierce, Castillon, Townsend, Ho, Cooper, Chasel Lee, Reiner

Nagsagawa ng mosyon si Miyembro Cooper, at sumegunda si Miyembro Chasel Lee, na pagtibayin ang pagbabago sa iskedyul ng pulong ng Task Force, ayon sa sumusunod:

- Pagdaragdag ng espesyal na pulong sa Miyerkoles, Pebrero 16, 2022, na magsisimula nang 5:30 p.m., at isasagawa nang remote sa pamamagitan ng videoconference;
- Pagdaragdag ng espesyal na pulong sa Lunes, Marso 14, 2022, na magsisimula nang 5:30 p.m., at isasagawa nang remote sa pamamagitan ng videoconference;
- Pagbabago ng pagsisimula ng oras ng espesyal na pulong sa Miyerkoles, Abril 6, 2022 mula sa 10 a.m. tungo sa 5:30 p.m., at
- Pagpapatibay sa inaasahang pagtatapos ng pulong para sa lahat ng pulong ng Task Force sa hinaharap, dahil posibleng maapektuhan nito ang pag-iiskedyul sa mga pulong ng distrito na hindi isasagawa sa karaniwang lugar, o offsite, sa hinaharap.

Pinagtibay ang mosyon ng sumusunod na pagboto:

Oo: 9 - Jeremy Lee, Hernández Gil, Pierce, Castillon, Townsend, Ho, Cooper, Chasel Lee, Reiner

3. Pagmamapa

Karin Mac Donald at Seth Neill, na Konsultant sa Muling Pagdidistrito (Q2 Data and Research); iniharap nila ang pinakabagong impormasyon ukol sa pagsisimula ng paggamit sa Kasangkapan sa Muling Pagdidistrito o Redistricting Tool ng San Francisco at sinagot nila ang mga tanong na iniharap sa kabuuan ng diskusyon.

Mga Tagapagsalita: Lauren Girardin (League of Women Voters San Francisco); Sana Sethi (SF Rising); David Hooper; nagsalita ukol sa iba't ibang inaalala kaugnay ng pinag-uusapan sa pagdinig. matter.

Sa pagtatapos ng diskusyon, idineklara ni Tagapangulo Townsend ang usapin na napakinggan na at naisama sa mga rekord.

4. Mga Ulat ng mga Miyembro ng Task Force

Ibinahagi ni Miyembro Chasel Lee na nagkaroon siya ng mga diskusyon sa mga lider ng komunidad sa Tenderloin ukol sa nalalapit na pulong ng Task Force sa Enero 14, 2022. Ibinahagi ni Miyembro Hernandez Gil sa nagkaroon siya ng mga diskusyon sa mga lider ng komunidad sa mga lugar ng Tenderloin at SoMa ukol sa nalalapit na pulong ng Task Force sa Enero 14, 2022, at na nagkaroon siya ng diskusyon kasama sina Superbisor Ronen at Safai ukol sa katayuan ng mga gawain ng Task Force. Ibinahagi ni Miyembro Jeremy Lee na nakipagkita siya sa API Council at iniulat niya na may intensiyon silang isumite ang kanilang mungkahing mga mapa ng kabuuan ng distrito sa Task Force.

Mga Tagapagsalita: Wala.

Sa pagtatapos ng diskusyon, idineklara ni Tagapangulo Townsend ang usapin na napakinggan na at naisama sa mga rekord.

5. Mga Ulat ng Kinatawan ng Departamento/Pampublikong Opisyal ng Lungsod

Mga Tagapagsalita: Wala.

Sa pagtatapos ng diskusyon, idineklara ni Tagapangulo Townsend ang usapin na napakinggan na at naisama sa mga rekord.

6. Komento ng Pangkalahatang Publiko

Mga Tagapagsalita: Lauren Girardin (League of Women Voters San Francisco); ibinahagi niya ang mga inaalala ukol sa iskedyul ng mga gawain o timeline para sa produksiyon ng Task Force ng mga borador o draft na mapa; Francisco da Costa; ibinahagi niya ang iba't ibang inaaalala sa Task Force; David Pilpel; ibinahagi niya ang mga inaalala ukol sa iskedyul ng mga gawain para sa produksiyon ng Task Force ng mga borador na mapa.

7. Mga Bagay na Pag-uusapan sa Hinaharap

Tinalakay ng mga miyembro ang posibleng mga pag-uusapan sa hinaharap ayon sa mga sumusunod.

- *Pagtalakay sa iskedyul ng mga gawain para sa pagbuo ng mga borador na mapa.*

Mga Tagapagsalita: Wala.

Sa pagtatapos ng diskusyon, idineklara ni Tagapangulo Townsend ang usapin na napakinggan na at naisama sa mga rekord.

8. Pagtatapos ng Pulong

Dahil wala nang iba pang pag-uusapan, natapos ang pulong ng Task Force para sa Muling Pagdidistrito sa oras na 4:58 p.m.

Pakatandaan (N.B). Itinatakda ng mga Tala ng pulong na ito ang lahat ng aksiyong isasagawa ng Task Force para sa Muling Pagdidistrito na nauukol sa mga usaping nakasaad, pero hindi kinakailangang naaayon sa pagkakasunod-sunod ng pagtalakay sa mga usaping ito sa pulong.

INAPRUBAHAN: Enero 22, 2022
Task Force para sa Muling Pagdidistrito